

07 FEB 1997

Moody - Rating

MALAYSIA DITEMPAT TINGGI DALAM PENYENARAIAN FIRMA PENILAIAN NEW YORK

KUALA LUMPUR, 7 Feb (Bernama) -- Sebuah firma rating antarabangsa telah menempatkan Malaysia pada kedudukan yang tinggi berasaskan kepada asas ekonomi Malaysia yang mantap dan pertumbuhannya yang pesat dalam beberapa tahun kebelakangan ini.

Firma Moody's yang berpangkalan di New York memberi rating "A-1" kepada Malaysia berasaskan kepada beberapa pencapaiannya, terutama persekitaran politik yang stabil. Rating itu mengambil kira kedudukan kredit sesebuah negara.

Dalam laporan tahunannya mengenai Malaysia yang dikeluarkan di sini, firma itu berkata kestabilan politik Malaysia dapat dilihat pada pilihan raya umum tahun 1995 yang memberi kemenangan besar kepada kerajaan bercampur Barisan Nasional dan Perdana Menteri Datuk Seri Dr Mahathir Mohamad berjaya meneruskan penggal lima tahun keempatnya.

Firma itu juga berkata Malaysia mendapat faedah dari prospek eksportnya yang teguh, kadar simpanan yang tinggi serta sinario inflasi yang rendah.

Para penganalisis Moody's berkata perubahan struktur yang berlaku di negara ini perlu menempatkan ekonomi pada kedudukan yang boleh besaing di peringkat antarabangsa, tetapi memberi amaran mengenai keadaan bekalan yang sempit seperti infrastruktur yang berlebihan dan kekurangan tenaga kerja.

Untuk mengatasi ini, kerajaan Malaysian telah mengambil langkah yang pragmatik dengan memulakan projek-projek infrastruktur besar seperti lapangan terbang antarabangsa, pembesaran pelabuhan dan juga sistem transit aliran ringan (LRT) di Kuala Lumpur.

Mengeai "Wawasan 2020" yang merupakan perjalanan Malaysia untuk menjadi negara maju, Moody's mencadangkan supaya kemahiran perindustrian dipertingkatkan supaya beberapa pelaburan asing tidak dipindahkan ke negara-negara lain yang terdapat gaji rendah atau paras kemahiran yang tinggi. -- BERNAMA

MR WAT